

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆՁ**

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/29, 18.02.2020թ.

Բողոք բերող անձ՝ «Ար.Մեդտեխնիկա» ՍՊԸ

Պատվիրատու՝ «Վ. Ա. Ֆանաջյանի անվան ուռուցքաբանության ազգային կենտրոն» ՓԲԸ

Գնման ընթացակարգի ծածկագիրը՝ «ՈՒԱԿ-ԳՀԱՊՁԲ-20/30» գնանշման հարցում

Գնման առարկան՝ Ախտորոշման սարքերի ձեռքբերում

Բողոքի պահանջը՝ Պարտավորեցնել «ՈՒԱԿ-ԳՀԱՊՁԲ-20/30» ծածկագրով գնանշման հարցման Պատվիրատուին չեղյալ հայտարարել «ՈՒԱԿ-ԳՀԱՊՁԲ-20/30» գնանշման հարցման ընթացակարգը:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ.ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> **հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ

որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆՁԻՆ
Հասցե՝ ք. Երևան, Մելիք-Աղամյան փող., 1

Բողոքը ներկայացնող անձ՝ «Ար.Մեդտեխնիկա» ՍՊ ընկերություն
Հասցե՝ ՀՀ, ք. Երևան, փ. Մ. Հերացի 7, 0025
Պետական գրանցման համար՝ 286.110.58543
Գրանցման ամսաթիվը՝ 2012-01-11
ՀՎՀՀ՝ 02604367
Հեռ՝ +374 93 882040
Էլ.փոստ՝ armedtechnicallc@gmail.com

Պատվիրատու՝ «Վ. Ա. Ֆանարջանի անվան ուռուցքաբանության ազգային կենտրոն» ՓԲԸ
Ընթացակարգի ծածկագիր՝ ՈՒԱԿ-ԳՀԱՊՁԲ-20/30
Գնման առարկա՝ ախտորոշման սարքերի ձեռքբերում

Բողոքի առարկա

2020 թվականի փետրվարի 12-ին «Վ. Ա. Ֆանարջանի անվան ուռուցքաբանության ազգային կենտրոն» ՓԲԸ-ի կողմից էլեկտրոնային գնումների Armeps (www.armeps.am) համակարգի միջոցով հրապարակվել է ՈՒԱԿ-ԳՀԱՊՁԲ-20/30 ծածկագրով գնանշման հարցման հրավեր: Հրավերով սահմանվում է, որ հայտերի բացումը տեղի կունենա էլեկտրոնային ձևով՝ էլեկտրոնային գնումների Armeps համակարգի միջոցով, հայտարարության հրապարակման օրվանից հաշված 7-րդ օրը (19.02.2020թ.) ժամը 11:00-ին:

Նույն ապրանքների ձեռքբերման համար արդեն իսկ հունվարի 20ին հայտարարվել էր ՈՒԱԿ-ԳՀԱՊՁԲ-20/17 ծածկագրով գնանշման հարցման հրավերը, որը, այնուհետև բողոքարկվել էր «Սիուն» ՍՊ ընկերության կողմից (ԳԲՔԱ-ՆԳ-2020/13) և բողոք քննող անձի կողմից որոշում էր կայացվել պարտավորեցնել Պատվիրատուին չեղյալ հայտարարել գնանշման հարցման հրավերը:

Մեր ընկերությունը դեռ առաջին հայտարարության ժամանակ հետաքրքրված էր այս մրցույթին մասնակցությամբ, սակայն հրավերի վերլուծության արդյունքում փաստացի պարզ էր դարձել, որ մրցույթով պահանջվող ապրանքներից առնվազն 1 չափաբաժնի՝ Երկներգետիկ ռենտգեն



ղենսիտոմետրիկ համակարգի տեխնիկական բնութագիրը կազմված է ՀՀ Գնումների մասին օրենքի և գնումների գործընթացը կարգավորող այլ իրավական ակտերի խախտմամբ:

Փաստենք, որ անկախ բողոքարկումից, ՈՒԱԿ-ԳՀԱՊԶԲ-20/17 հրավերով նախատեսված հայտերի բացումը տեղի է ունեցել սահմանված ժամկետում: Հրավերով մասնակցության հայտ ներկայացրել է միայն մեկ ընկերություն, որի ներկայացրած Հավելված 1.1-ից պարզ է դառնում, որ լին չափաբաժնով առաջարկվող Երկենթագետիկ ռենտգեն ղենսիտոմետրիկ համակարգի տեխնիկական բնութագիրը տառացիորեն կրկնում է գնանշման հարցման հրավերով պահանջվող տեխնիկական բնութագիրը, առանց որևէ փոփոխության և շեղման:

Մրցույթի բողոքարկումից հետո կարծում էինք, որ Պատվիրատուն կվերանայի ոչ միայն բողոքի պահանջով նշված ռուսերեն լեզվով հրավերի տրամադրման հարցը, այլ նաև տեխնիկական բնութագրերը: Սակայն ՈՒԱԿ-ԳՀԱՊԶԲ-20/30 ծածկագրով գնանշման հարցման հրավերի վերլուծության արդյունքում պարզ դարձավ, որ տեխնիկական բնութագրում որևէ էական փոփոխություն տեղի չի ունեցել:

Մասնավորապես, հրավերով սահմանվում է, որ հրավերը կազմվել է գնումների մասին ՀՀ օրենսդրության, այդ թվում՝ «Գնումների մասին» ՀՀ օրենքի (այսուհետ՝ Օրենք), ՀՀ կառավարության 2017թ. մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի (այսուհետ՝ Կարգ), ՀՀ կառավարության 2017 թվականի ապրիլի 6-ի N 386-Ն որոշմամբ հաստատված «Էլեկտրոնային ձևով գնումների կատարման» կարգի և այլ իրավական ակտերի պահանջներին համապատասխան և նպատակ ունի «Վ. Ա. Ֆանարջանի անվան ուռուցքաբանության ազգային կենտրոն» ՓԲԸ-ի (այսուհետ՝ պատվիրատու) կողմից հայտարարված ընթացակարգին մասնակցելու մտադրություն ունեցող անձանց (այսուհետ՝ մասնակից) տեղեկացնելու ընթացակարգի պայմանների՝ գնման առարկայի, ընթացակարգի անցկացման, բնտրված մասնակցին որոշելու և նրա հետ պայմանագիր կնքելու մասին, ինչպես նաև օժանդակելու ընթացակարգի հայտը պատրաստելիս:

Հայտեր կարող են ներկայացնել համակարգում գրանցված բոլոր անձիք, անկախ նրանց՝ օտարերկրյա ֆիզիկական անձ, կազմակերպություն, քաղաքացիություն չունեցող անձ լինելու հանգամանքից:

Համաձայն Հայաստանի Հանրապետության կառավարության առ 10 հոկտեմբերի 2019 թվականի N 1422-Ն որոշման (ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2017 ԹՎԱԿԱՆԻ ՄԱՅԻՍԻ 4-Ի N 526-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՅՈՒՄՆԵՐ ԿԱՏԱՐԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2017 ԹՎԱԿԱՆԻ ՆՈՅԵՄԲԵՐԻ 16-Ի N 1454-Ն ՈՐՈՇՈՒՄՆ ՈՒԺԸ ԿՈՐՅՐԱԾ ՃԱՆԱՉԵԼՈՒ ՄԱՍԻՆ) 5-րդ կետի, Պատվիրատուն պարտավոր է.

- 5) 22-րդ կետը շարադրել հետևյալ խմբագրությամբ՝

«22. Գնման առարկայի բնութագրերը սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ և արտադրողներ՝ բացառությամբ գնումը սույն կարգի 23-րդ կետի 4-րդ ենթակետով նախատեսված հիմքով կատարելու դեպքերի:»

Հայտարարված մրցույթի տեխնիկական բնութագիրը կրկնակի անգամ մեր կողմից թարգմանվել է տարբեր լեզուներով, որովհետև նույնիսկ այս դեպքում Պատվիրատուն ապահովել է միայն ռուսերեն լեզվով թարգմանության փաստացի առկայությունը, առանց գնահատելու դրա հասկանալի կամ ճիշտ թարգմանված լինել-չլինելը, և ուղարկվել է երկեներգտիկ ռենտգեն դենսիտոմետրիկ համակարգ արտադրող բոլոր ընկերություններին, որոնցից ստացել ենք պատասխաններ, որ նշված տեխնիկական բնութագրին ամբողջապես համապատասխանում են միայն մեկ արտադրողի՝ Hologic ընկերության կողմից արտադրված սարքերը: Տեխնիկական բնութագրերով մասնակցությունը սահմանափակվել է նաև FDA որակի վկայական պահանջելու միջոցով, քանի որ երկեներգտիկ ոսկրային դենսիտոմետրերի համար FDA հավաստագրում անցել են միայն Hologic և GE Medical Systems ընկերությունները: Այսինքն, այս պահանջով սահմանափակվում է բոլոր մնացած արտադրողների մասնակցությունը, բացի GE Medical Systems-ից, իսկ վերջինիս որևէ արտադրանք չի համապատասխանում այլ պարամետրերին:

Այսպես օրինակ, նույնիսկ եթե համեմատենք GE Medical Systems ընկերության արտադրության (որը համարվում է նմանատիպ սարքավորումների առաջատար արտադրողներից մեկը աշխարհում) ամենաբարձր դասի մոդելը՝ Lunar iDXA-ն շատ կարևոր տեխնիկական բնութագրերով զգալի առավելություններ ունի պահանջվող տեխ.բնութագրի համեմատ, բայց չի համապատասխանում, օրինակ, «պացիենտի պահանջվող քաշը» ցուցանիշին: Պահանջվում է ոչ պակաս, քան՝ 225, արտադրողը հաստատում է, որ կարող է ապահովել 207կգ քաշով պացիենտների անվտանգ հետազոտությունը: Կամ, օրինակ, ռենտգենյան խողովակի հզորություն պարամետրի պահանջը ոչ պակաս, քան 10կՎա-ն է, այն դեպքում, երբ բոլոր մնացած արտադրողներն առաջարկում են 2,5կՎա-անոց ռենտգենյան խողովակներ: Այսպիսի օրինակները բազմաթիվ են:

Կարծում ենք, որ այս տեխնիկական բնութագիրը հակասում է գնումների գործընթացը կարգավորող իրավական նորմերին ու ակտերին:

ԲՈՂՈՔԻ ՊԱՀԱՆՔ

Հաշվի առնելով ներկայացված փաստերը և իրավական հիմքերը՝ խնդրում ենք պարտավորեցնել ՈՒԱԿ-ԳՀԱՊԶԲ-20/30 ծածկագրով գնանշման հարցման Պատվիրատուին չեղյալ հայտարարել ՈՒԱԿ-ԳՀԱՊԶԲ-20/30 գնանշման հարցման ընթացակարգը:

Կից ներկայացվում են՝

1. ՈՒԱԿ-ԳՀԱՊԶԲ-20/30 ծածկագրով գնանշման հարցման հրավերի պատճենը,
2. «Ար.Մեդտեխնիկա» ՍՊ ընկերության պետական ռեգիստրի քաղվածքի պատճենը,
3. Բողոքարկման վճարը կատարված լինելը հիմնավորող փաստաթղթի բնօրինակը

«Ար.Մեդտեխնիկա» ՍՊ ընկերության տնօրեն՝ Վ. Թորոսյան

